

ՄԻՋԵԿԵՂԵՅԱԿԱՆ

ԼՈՒՐԵՐ

ԱՂԱՅՆԻԱ

**ԵԿԵՂԵԾԻՆ ԻՐ ՕԳՆՈՒԹՅՈՒՆՆ Է ԲԵՐՈՒՄ
ՓԱԽՍՏԱԿԱՆՆԵՐԻՆ ՕԳՆԵԼՈՒՆ**

Ալբանիայի Ավտոկեֆալ Ուղղափառ Եկեղեցին, Նորին Ամենապատվութիւն Անաստասիոս Արքեպիսկոպոսի անմիջական ջանքերի շնորհիւ, շարունակում է իր նպաստը բերել Կոստովոյի փախստականներին: Այդ ծրագրի իրականացման արդյունքում կառուցվել են երկու ճամբարներ, որոնք ընդունել են շուրջ 1.500 փախստականների: Ալբանական Եկեղեցին զբաղվում է նաև սննդամթերքի բաշխման գործով:

ՌՈՒՄԻՆԻԱ

ՊԱՊԵ ԱՌԱՋԻՆ ԱՆԳԱՄ ԱՅՑԵԼԵԾ ՌԻԶԼԱՓԱՌ ԵՐԿԻՐ

Հովհաննես-Պողոս Բ Պապը պատմության մեջ մտավ իբրև առաջին քահանայապետը, որն այցելեց ուղղափառ երկիր: Մայիսի 7-ից 9-ը Ռումինիա կատարած այցելության ընթացքում Նորին Արքեպիսկոպոսը ողջունել են Ռումին Եկեղեցու պետ Թեոկտիստ Պատրիարքը և Սուրբ Սինոդը: Մայիսի 8-ին Պապն ու Պատրիարքը միասնական կոչ են ուղղել օտար երկրների ղեկավարներին՝ Հարավսլավիայի հակամարտությունը բանակցային և խաղաղ ճանապարհով լուծելու համար: Մայիսի 9-ին, կիրակի օրը, առավոտյան, շուրջ 100.000 մարդ են մասնակցել Բուխարեստի Միության Հրապարակում Թեոկտիստ Պատրիարքի մատուցած Պատարագին, որին ներկա էր նաև Հռոմի Պապը: Ավելի ուշ, պուրակում, Պատարագ է մատուցել Պապը, որին մասնակցելու էին եկել ավելի քան 200.000 մարդ: Իր խոսքում Պապն ասել է, որ մինչև վերջին ժամանակները մնան այցելությունը «անհնարին» կլինեք, սակայն, փառք Ստեփանոս, տառապանքի և անհանդուրժողության երկարատև ծնունդ անցել է:

ՍԵՐԲԻԱ

**ՀՈԳԵՎՈՐ ԱՌԱՋՆՈՐԳ ՆԵՐԸ ԿՈՉ ԵՆ ԱՆՈՒՄ
ՎԵՐՋ ՏԱԼ ԼԱԿԱՄԱՐՏՈՒԹՅԱՆԸ**

Նորին Արքեպիսկոպոս Պավե Պատրիարքը և Սերբական Եկեղեցու Եպիսկոպոսաց Համագումարը, մայիսի 13-ից 15-ը Բելգրադում գումարած ժողովում, դարձյալ կոչ են արել ՆԱՏՕ-ի անդամ երկրներին՝ դադարեցնել կույր ռմբակոծությունները: «ՆԱՏՕ-ի կողմից Հարավսլավիայի տղջ տարածքի ուժգին

ռմբակոծությունները, որոնք տևում են արդեն երկու ամիս, աննախադեպ տառապանք են պատճառել բոլոր մարդկանց և տեղաբնակ յուրաքանչյուր ազգությանը, ինչպես նաև մեծ նյութական ավերածություն են հասցրել»,- ասվում է ժողովում ընդունված հայտարարության մեջ:

ՀՈՒՆԱՍՏԱՆ

ՏԻԵԶԵՐԱԿԱՆ ՊԱՏՐԻԱՐԺՆ ԱՅՑԵԼԵԼ Է

ՀՈՒՆԱՍՏԱՆԻ ԵԿԵՂԵՑԻ

Նորին Սրբություն Տիեզերական Պատրիարք Բարդուղիմեոս Ա-ն պաշտոնական այցով մեկնել է Հունաստան : Նա մայիսի 21-ին ժամանել է Աթենք և անմիջապես ուղեկցվել Աթենքի Սայր Տաճար, ուր տեղի է ունեցել Նորին Սրբության և Հունական Ավտոկեֆալ Եկեղեցու առաջնորդ Նորին Ամենապատվություն Քրիստոդուլոս Արքեպիսկոպոսի պաշտոնական հանդիպումը: Երկշաբաթյա այցելության ընթացքում Պատրիարքը հանդիպել է Հունաստանի նախագահի, նախարարների և պաշտոնատար մի շարք անձանց հետ:

ՌՈՒՍԱՍՏԱՆ

ԱԼԵՔՍԻՅ Բ ՊԱՏՐԻԱՐԺԸ ՄԱՍՆԱԿՑԵԼ Է

ՌՈՒՍԱՍՏԱՆԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ

275-ԱՄԹԱԿԻՆ ԵՎԻՐՎԱԾ ՄԻՋՈՑԱՌՈՒՄՆԵՐԻՆ

Հունիսի 4-ին Նորին Սրբությունը մասնակցել է Կրեմլի տաճարում տեղի ունեցած Ռուսաստանի Գիտությունների Ակադեմիայի հիմնման 275-ամյակին նվիրված միջոցառմանը, որին ներկա էին ՌԴ վարչապետ Ս. Վ. Ստեպաշինը, Մոսկվայի քաղաքապետ Յու. Ս. Լուժկովը և գիտության ու մշակույթի ականավոր գործիչներ: Իր խոսքում Ալեքսի Բ-ն մեծապես արժևորել է Գիտությունների Ակադեմիայի կատարած դերն ու նշանակությունը Ռուսաստանի հոգեմտավոր կյանքում:

«XXI դԱՐ՝ ԱՌԱՆՑ ԹՄՐԱԴԵՂԵՐԻ»

Հունիսի 25-ից 26-ը Մոսկվայում կայացավ «XXI դար՝ առանց թմրադեղերի» խորագիրը կրող միջազգային համաժողովը, որին մասնակցում էր մետրոպոլիտ Սերգի: Նա համուռ Ալեքսի Բ-ի ընթերցել է ողջույնի ուղերձը, որտեղ մասնավորաբար ասվում է. «Ռուսաստանի և ԱՊՀ այլ երկրների սոցիալ-տնտեսական անկայունությունը պարարտ հող են ստեղծում, որպեսզի մարդիկ իրենց միայնակ և անպաշտպան զգալով՝ թվացյալ ապահովություն փնտրեն թմրադեղերի օգտագործման մեջ»:

ՍԱՏԻԿԱՆ**ՊԱՊԻ ԱՅՑԵԼՈՒԹՅՈՒՆԸ ԼԵՀԱՍՏԱՆ**

Նորին Սրբություն Զովհաննես-Պողոս Բ Պապը հունիսի 5-ից 17-ը հովվապետական այցելություն է կատարել Լեհաստան, որը թվով 7-րդն էր և ամենաերկարը: Զոռմի Զահանայապետի կարգավիճակով նա առաջին անգամ իր ծննդավայր է եկել 1979 թ. հունիսի 2-ից 10-ը: Իր այցելության ընթացքին Պապը Պատարագ է մատուցել «Լեհ սուրբ մահատակ եղբայրների» եկեղեցում և սրբացրել մեծ թվով մարդկանց: Այսպես, Տուրինում նա սրբացրել է Զ. Վինսետի Ֆրեյչովսկուն, Վարշավայում՝ Երկրորդ համաշխարհային պատերազմի զոհ դարձած և համակենտրոնացման ճամբարներում քրիստոսին խոստովանած թվով 108 հոգու: Մայրաքաղաքում նա սրբացրել է մահ էղմունդ, Բոյանովսկուն և քույր Ռեզինա Պոռտմանին: Այցելության վերջին օրերին, սակայն, Նորին Սրբության առողջական վիճակը կտրուկ վատթարացել է:

ՆՈՐԻՆ ՍՐԲՈՒԹՅՈՒՆԸ ՑԱՆԿՈՒԹՅՈՒՆ Է ՀԱՅՏՆԵԼ**ԱՅՑԵԼԵԼ ԶՐԻՍՏՈՆԵԱԿԱՆ ՄԵԾԱԳՈՒՅՆ ՍՐԲԱՎԱՅՐԵՐԸ**

Հունիսի 29-ին Զովհաննես-Պողոս Բ Պապը ցանկություն է հայտնել բացառապես հոգևոր և կրոնական բնույթ կրող ամհատական ուխտագնացություն կատարել դեպի Սինայի լեռ և Ուր, Նազարեթ, Բեթղեհեմ ու Երուսաղեմ քաղաքներ:

ԵԿԵՂԵՑԻՆԵՐԻ ՀԱՄԱՇԽԱՐԽԱՅԻՆ ԽՈՐՀՈՒՐԴ**ՄԻՋԱԶԳԱՅԻՆ ԵԿԵՂԵՑԱԿԱՆ ՄԱՐՄԻՆԵՐԸ****ՈՂՋՈՒՆԵԼ ԵՆ ԿՈՍՈՎՈՑԻ ՊԱՏԵՐԱՋՄԻ ԴԱԴԱՐԸ**

Եկեղեցիների Զամաշխարհային խորհուրդը (WCC), Եվրոպական Եկեղեցիների Զամագումարը (CEC), Լութերական Զամաշխարհային Դաշնությունը (LWF) և Բարեկարգյալ Եկեղեցիների Զամաշխարհային Միությունը (WARC) ողջունել են պատերազմի ավարտն ազդարարող ՆԱՏՕ-ի որոշումը: Այս առիթով նրանք մի հայտարարություն են հրապարակել, որտեղ ասվում է. «Կոսովոյի վերականգնումը հիմնական խնդիրն է և փախստականների վերադարձի նախադրյալը»: